

Sarajevu, povede računa o stavovima i problemima radnih ljudi ove Škole.

Prilozi: Pismo Sekretarijata broj 04-612/75,  
Odgovor Škole broj 01-52/73,  
Odluka RZ Škole o integraciji.

MP PREDsjedNIK RADNE ZAJEDNICE  
Prof. Tomo Begenišić, s.r.

Viša geodetska škola je ovo pismo uputila Gradjevinskom fakultetu u Sarajevu, Republičkoj geodetskoj upravi, Savezu GIG-a BiH, predsjedniku Komisije za visoko školstvo SRBiH, Republičkom sekretarijatu za obrazovanje i kulturu BiH, te Izvršnom vijeću, Skupštini SRBiH i dr. To pismo stvorilo je zabunu, naročito kod Gradjevinskog fakulteta, kao i kod faktora koji će o tome konačno odlučiti, jer je unijelo sumnju da li iza prijedloga, na kome Društvo radi već tri godine, stoji naš Savez i veći na članstva. Predsjedništvo Saveza GIG-a osjetivši da zabuna, koju je unijelo pismo Više geodetske škole, može da dovede do daljnjeg odlaganja ovog značajnog poduhvata, hitno je sazvalo plenum Društva sa dnevnim redom:

1/ Izvještaj o radu Komisije na osnivanju studija geodezije u Sarajevu,  
2/ Pismo Više geodetske škole

Plenum je odobrio i pohvalio dosadašnji rad i zalaganje Komisije na otvaranju studija, a pismo Više geodetske škole je odbacio i ocijenio ga kao diverziju na putu realizacije ovog značajnog poduhvata za našu struku. Zaključeno je da se hitno interveniše kod svih faktora kojima je upućeno pismo Više geodetske škole.

Na osnovu toga i zaključaka donesenih na Plenumu, Višoj geodetskoj školi, Gradjevinskom fakultetu, Republičkoj geodetskoj upravi, Republičkom sekretarijatu za obrazovanje i kulturu, predsjedniku Komisije za visoko školstvo Skupštine SRBiH, predsjedniku Izvršnog vijeća i predsjedniku Skupštine, upućeno je pismo slijedećeg sadržaja:

SAVEZ GEODETSKIH INŽENJERA I GEOMETARA SRBiH

S A R A J E V O

Broj: 186/73

Sarajevo, 9. juna 1973. god.

VIŠOJ GEODETSKOJ ŠKOLI

S A R A J E V O

Savez geodetskih inženjera i geometara SRBiH-e u svom dosadašnjem radu na obrazovanju i usavršavanju stručnog znanja svoga članstva posvećivao

je najveću pažnju. Na tom planu ovaj Savez je bio inicijator osnivanja Geodetske tehničke škole u Sarajevu, a 1960. godine izražavajući želju svog članstva i struke jedan je od osnivača i Više geodetske škole u Sarajevu. Na godišnjoj skupštini Saveza održane 1969. godine jednoglasno je donesen zaključak da je za daljni razvoj geodetske djelatnosti neophodno riješiti pitanje obrazovanja geodetskog kadra sa visokom stručnom spremom u našoj Republici. Da bi se problem cjelovito sagledao, na inicijativu ovog Saveza formirana je posebna Komisija sa zadatkom da sagleda strukturu i potrebe kadra u Republici i da predloži njegovo rješenje. Komisija je izradila Prijedlog za obrazovanje visokostručnog geodetskog kadra u Republici koji je dobio punu podršku od ovog Saveza, geodetskih radnih organizacija, opštinskih geodetskih službi, škola i dr.

U svom radu Komisija je u više navrata na nivou Plenuma i skupština Saveza upoznavala i informisala Savez. Na posljednjem Plenumu Saveza održanom 8.6.1973. godine, Komisija je upoznala Savez o svom radu i o donošenju Odluke od strane Gradjevinskog fakulteta i stvorenoj mogućnosti obrazovanja visokoškolskog geodetskog kadra na Gradjevinskom fakultetu u Sarajevu. Plenum je detaljno upoznat o radu Komisije i doprinosu društvenih i političkih faktora kao i određenih institucija na njihovom punom razumijevanju o naraslim potrebama za ovim kadrom. Savez geodetskih inženjera i geometara SRBiH odaje punu zahvalnost društveno političkim faktorima ove Republike, a takodje se zahvaljuje i radnim ljudima Gradjevinskog fakulteta na pokazanom razumijevanju. Takodje se nadamo da će nadležni organi potvrditi statutarnu odluku Gradjevinskog fakulteta i time definitivno omogućiti školovanje visokoškolskog geodetskog kadra u Republici.

Na Plenumu je pročitano i pismo koje je upućeno ovom Savezu, neposredno pred sam početak, od strane Više Geodetske škole. Pismo svojim sadržajem i zaključcima potpuno odudara od dosadašnjih zajedničkih stavova i dogovora. U diskusiji je sa žaljenjem konstatovano da kroz sadržaj pisma projevavaju lični interesi i da sadrži mnogo netačnih podataka.

Plenum je poslije viščasovne iscrpne diskusije usvojio slijedeće zaključke:

1. U cijelosti se prihvata izvještaj o radu Komisije, odaje priznanje i daje puna podrška na dosadašnjem radu.
2. Prihvaća se statutarna odluka o osnivanju geodetskog smjera na Gradjevinskom fakultetu u Sarajevu i u vezi s tim zahvaljuje se kolektivu Gradjevinskog fakulteta u Sarajevu na punoj podršci i razumijevanju.
3. Da se ubrza rad na potvrđivanju statutarne odluke o osnivanju geodetskog smjera na Gradjevinskom fakultetu, a istovremeno donese zakon o ukidanju Više geodetske škole u Sarajevu.

4. Plenum jednoglasno odbacuje stavove Više geodetske škole u navedenom pismu i ocjenjuje ih da su razbijački i nekonstruktivni i da koče dalji razvoj geodetskog školstva u SR Bosni i Hercegovini.



Razgovor sa gostima

5. Traži se od Više geodetske škole da svoje pismo odmah povuče, tim prije što su se na sastanku Savjeta Škole od stavova i sadržaja pisma distancirali i glasali protiv predstavnici šire društvene zajednice.
6. Zahtijeva se od članova našeg Saveza, radnika Više geodetske škole da se javno distanciraju od navoda u pomenutom pismu.
7. Uvažavajući problem oko zaposlenja članova radne zajednice koja broji 12 radnih ljudi (od toga 4 diplomirana geodetska inženjera, 1 diplo-

mirani matematičar, 3 administrativna službenika i 4 pomoćna radnika) smatramo da neće predstavljati neke veće poteškoće, pogotovu kada se zna da skoro jedna trećina odlazi u penziju.

Dostavljajući vam prednje, želimo da vas upoznamo da su ovo stavovi i mišljenja geodetskih stručnjaka naše Republike.

#### P R E D S J E D N I K

MP geodetskih inženjera i geometara SRBiH  
Milišić Božo, dipl.inž.geod.s.r.

Stav Društva iznesen u pismu otklonio je sumnje, koje su bile stvorene pismom Više geodetske škole, i daljni rad na realizaciji naših prijedloga nastavljen je bez zastoja. Na sjednici Komisije za visoko školstvo Izvršnog vijeća jula 1973.godine, prilikom razmatranja nacрта zakona o ukidanju Više geodetske škole, razmatrani su i stavovi Više geodetske škole i našeg Saveza. Stav Više geodetske škole je odbačen na Komisiji kao i na sjednici Izvršnog vijeća, pa je zaključeno da se Prijedlog zakona o ukidanju Više geodetske škole dostavi Skupštini SRBiH na usvajanje.

Zaključak Izvršnog vijeća razbio je sve sumnje u opravdanost našeg stava, pa su i svi ostali nastavili sa daljnim radom.

Gradjevinski fakultet je zamolio Komisiju da pomogne u izradi nastavnog plana i programa za Geodetski smjer, što je Komisija sa zadovoljstvom prihvatila. Komisija je na više sjednica, nakon konsultovanja članstva geodetskih fakulteta u Jugoslaviji, geodetskih radnih organizacija i organa, geodetskih škola i drugih, izradila nastavni plan. Gradjevinski fakultet je u cijelosti prihvatio predloženi plan i ugradio ga u tekst Odluke, koju je do stavio Skupštini SRBiH na saglasnost.

Na osnovu člana 46. i 48. stav 3. Zakona o konstituisanju i upisu u sudski registar organizacija udruženog rada, člana 199. i 262. Statuta, Savjet Gradjevinskog fakulteta u Sarajevu na svojoj sjednici održanoj 7.jula 1973. godine, donio je

#### O D L U K U

o uvodjenju geodetskog smjera na Gradjevinskom fakultetu u Sarajevu

#### Član 1.

Na Gradjevinskom fakultetu u Sarajevu uvodi se geodetski smjer.